

سنه لکي در سعادت ایچون مجیده
یکرمی غروش حسابیله التمش
غروشدر

طشره ایچون پوسته اجرتی اوله رقی
اون بش غروش ضم اولنور

نسخه سی ۴۰ پاره در

فکر دیک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

توجیهات

قسطمونی ولایتی مرکز بدایت محکمه سی جزا
دائره سی ریاستی ابقاء عزتو عثمان بکه
قوصوه ولایتی مرکز بدایت محکمه سی جزا
دائره سی ریاستی اشقودره ولایتی مرکز بدایت
محکمه سی مدعی عمومی معاونی قوتلو جعفر الهامی
افندی یه
اشقودره ولایتی مرکز بدایت محکمه سی مدعی
عمومی معاونلکی پرشته سنجانی بدایت محکمه سی
جزا دائره سی رئیس رفعتو صالح حامی افندی یه
پرشته سنجانی بدایت محکمه سی جزا دائره سی
ریاستی پروزه سنجانی بدایت محکمه سی مدعی
عمومی معاونی قوتلو یونس محسن افندی یه
پروزه سنجانی بدایت محکمه سی مدعی عمومی
معاونلکی انقره ولایتی مرکز بدایت محکمه سی
مستطابق سابق مکتب حقوق شاهانه دن مآذون توفیق
افندی یه

طرابلس غرب ولایتی مرکز بدایت محکمه سی
حقوق دائره سی ریاستی محکمه مذکوره جزا دائره سی
رئیس مکرمتلو عاکف افندی یه
طرابلس غرب ولایتی مرکز بدایت محکمه سی
جزا دائره سی ریاستی دیار بکر ولایتی مرکز بدایت
محکمه سی جزا دائره سی ریاستندن منفصل عزتو
محیب افندی یه

قاسوط بدایت محکمه سی ریاستی ارکری سنجانی
بدایت محکمه سی مستطابق سابق محمد امین افندی یه
تقویض بیورلش ومومی الهمدن جعفر الهامی
ویونس محسن وتوفیق وعاکف ومحیب افندی لک مآمو-
ریت سابقه لرینه حین تعیینلرنده تحلیفاری اجرا قلمش
اولدینی کبی امین افندی نیک دخی « ذات شوکتسمات
حضرت خلافتناهی یه ودولت علیه لرینه صادقانه
ایفای حسن خدمت ایده جکنه وخلاف ناموس
وصداقت ومغایر عدالت حرکاتی ده ارتکاب ایتیه-
جکنه » دائر بوکره تحلیفی اجرا وعثمان بک ایله صالح

افندی نیک ده اولوجهله تحلیف ایدملری خصوصی
محللرینه تبلیغ وانبا اولمشدر.

تبلیغات

امینه خانم مدیون اولدینی مبلغک تأمین استیفاسی
ضمننده سککاسی اولان خانه سنک تصدیق
حجزی حقنده اسکدار بدایت محکمه سندن ویریلان
اعلام اوزرینه خانه مذکورک دائره اجراجه مزایده-
سنه کیریشامش ایسه ده محکوم اولدینی دینی متضمن
سند ظهرنده کی تسلیمات شرخک تحریف ایدلمسندن
طولانی حقوق عمومی ده دعواسی در دست تدقیق
بولندیغندن بونک نتیجه سنه دین مزایده نیک تأخیری
لازم کله جکی کبی کندوسی مأموریندن ایکن معاشنه
مراجعت اولنقسزین مسکن شرعی بولان خانه سنک
حجز وفروخته قیام ایدلمسی دخی مغدوریتی موجب
بولنش اولدیغندن بختله استدعای معدلتی متضمن
لطفی امضاسیله اعطا قلنان عرفحال اوزرینه جریان
معامله اسکدار بدایت محکمه سی اجرا مأمورلغندن
لدی الاستعلام آلان جوابده اساس دین محجوز خانه
بدلندن اولدینی جهته داینه طرفندن محکمه معرفتیه
مذکور خانه یه وضع اولان حجزک تصدیقه وبالمزایده
خانه مذکورک فروختیه دینک تسویه سنه حکم اولدینی
کوسترلش اولمنه نظراً اشبو حکمه قارشو مسکن
ادعاسی شایان التفات اوله میه جکی کبی دینک محجوز
خانه بدلندن منبعث اولمسی حسیله اجرا قانوننک
ماده مذیله سی موجبجه مذکور خانه نیک صالمسنه
ذاتاً مساع قانونی بولندیغندن وتحریف ادعاسی
بشقه جه بر دعوی اولوب حقوق محکمه سی اعلامنک
تأخیر اجراسنی مستلزم کوریه مدیکندن استدعای
واقعک ترویج اوله میه جکی انجمن عدلیه دن افاده
اولنش کیفیت مستدعی مومی الیه تفهیم ایدلکی
کبی اسکدار بدایت محکمه سی ریاستنه ده
بیلدرلشدر.

محاکمات و مقررات

در سعادت استیناف مدعی عمومی یلکندنه :

ارباب فساددن اولوب مصره فرار ومضر
غزته نشرینه اجتسار ایدلکی ادعاسیله متهم
بولنان اطنه ایتم مدیر سابق سلیمان حقنده
اصول محاکمات جزائییه قانوننک اوچیوز یتش
برنجی ماده سی موجبجه معامله مقتضیه ایفا
ومحاکمه غیاییه سی بالاجرا نتیجه سندن قانون
جزانک الی سکرنجی ماده سنک فقره اولاسی
حکمنه توفیقاً مؤبداً قلمه بند ایدلمسنه واوتوز
برنجی ماده قانونیه منطوقجه حقوق مدنیه دن
اسقاط قلمسنه ومقدما اعلان ایدیلان قرارنامه
وجهله اموالنک اداره ایتدیرلمسنه محکمه جنا-
یتدن حکم اولنش واصل محاکمات جزائییه
قانوننک اوچیوز یتش یدنجی واوچیوز یتش
سکرنجی واوچیوز سکسان برنجی ماده لرلیه
مواد سائرده سی احکامنه توفیق معامله اولنسی
مرجعنه بیلدرلش اولدیغندن مذکور اوچیوز
یتش سکرنجی ماده نیک جمله احکامندن اولدینی
اوزره اعلان کیفیتیه ابتدار قلندی .

آیدین ولایت جلیله سی معیتنه مأمور ایکن
موقع مأموریتندن فرار ایدرک پارسه کیتش
واوراده معامله مفسد تکارانه یه اجتسار ایتش
اولان عرفان کمالک اصول محاکمات جزائییه
قانوننک مواد مخصوصه سی احکامنه توفیقاً
جنایت محکمه سنده محاکمه سی اجرا قلمق اوزره

ضابطه عدليه مأمورلرينك كندولرني طومغه مجبور بولندقلري كي معاملات حجزيه حقنده دخي مدعي عموميلكه تبليغات مقتضيه اجرايدلديكي جهته اصول محاكمات جزائيه قانونك اوچيوز يتش برنجي واوچيوز يتش ايكنجي ماده لرندن استنباط اولنان احكامه توفيقاً اشبو قرار نامه بالتتظيم اعلان اولنور .

اوچيوز اون سكر سنه سي تموزينك بشنجي كوني قرتاله تابع مالتيه قريه سنده علي بكك متصرف اولديني دكانده بقاللق ايدن انسطاشك كيفيت جرح وقتلندن طولاني جنايته مهتم اولان وحال فرارده بولنان اورته بويلى اسمر بكنزلى سياه صاچ وقاشلى والا كوزلى وقرال بيقلى اولوب عن اصل ماط قضا سنك ليس قريه سنده واقع فوqe محله سي اها ليسندن اولديني خبر ويري لان يكرمي التي ياشلرند ابراهيم بن يونس در دست ايديله مامش اولديغندن تاريخدن اعتباراً جانب رياستدن كندوسنه مجدداً اون كون مهل اعطا قلمشدر مهل معين ظرفنده مرقوم كديكي حاليه قانونه اطاعت ايتماش نظريه باقيله رق حقوق مدنيه دن اسقاط قلنه جنجى وعليهنده دعوايه قيسام اولنه جنجى واموالنك تحت حجزه آله جنجى وبوصره ده بركونه ادعايه حق اوله ميه جنجى وبولنديني محلى بيلنلرك خبر ويرمكه مجبور بولندقلري كي معامله حجزيه حقنده دخي مدعي عموميلكه تبليغات مقتضيه اجرا قلنديني جهته اصول محاكمات جزائيه قانونك اوچيوز يتش برنجي اوچيوز يتش ايكنجي ماده لرندن استنباط اولنان احكامه توفيقاً اشبو قرارنامه بالتتظيم اعلان اولنور .

ايكنجي تجارت محكمه سنده :

يكي جامع شريف جوارنده كي دكانده مقيم فسجي اصنافندن محمد كمال افندينك ۱۸ كانون ثاني سنه ۳۱۸ تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمننده اعضاي محكمه دن سعادتلو جميل بكك ژور قوميسر واصحاب مطلوبدن الامجيان برادرلردن اوخانس افندي ايله دعوى وكيللرندن فواد افندينك موقت سنديك تعيينلرينه ومغازه سنده موجود امتعه تجاريه سيله اشياى زائده بيتيه سنك تمهيري نه واوراق ودفاترينك جلبه وكفالت مصدقه معتبره ارانه ايدمه مدبكي تقديرده حبس وتوقيفه وبو باده كي قرارك موقه اجراسنه ايكنجي تجارت محكمه سنندن قرار ويلمش اولديغندن قانوننامه تجارتك ۱۷۰ نجى ماده سي موجبجه دائمي سنديكلر انتخاب اولنق اوزره اشبو بيك اوچيوز اون سكر سنه سي شباطنك برنجي جمعه ايرتسي كوني ساعت

يدى راده لرند اصحاب مطلوبك محكمه مذكوره نك افلاس اوطنه سنه كلري اعلان اولنور .

اعلانات شرعيه اجرا دائره سنده :

متوفاة شوكت خانم ورثه سنك ابراهيم ادهم افندي ذمتنده قسمت عسكريه محكمه سنندن اعطا اولنان برقطعه مقتضا اعلامي موجبجه آلاجنى اولان مبالغ معلومه نك تأمين استيفاسي ضمننده مروهون وفروختي محكوم بولنان اسكدارده كلقم خاتون محله سننده واقع اون بش نومرو ايله مرقم برباب وقف آشجي دكاني درونسنده موجود كدك بوندن مقدم بالمزايدة ليراي عثمانى يوز غروشدن بشييك يوز غروش بدل ايله طالبي اوزرند بولنش وموقت قراردادده سي كشيده قلنمش اولديغندن يوزده بش ضميله بوندن زياده يه طالب اولنلرك اشبو تاريخ اعلاندن اعتباراً اوتوز بر كونه قدر مراجعت ايللري ومدت مذكوره ختامندن صكره بي قبول اولنميو بقرر ايدن بدل مقابلي طالبي عهده سنه معامله فراغيه سي اجرا قلنه جنجى اعلامات شرعيه اجرا دائره سنندن اعلان اولنور .

اعلانات نظاميه اجرا دائره سنده :

بقال انسطاش ولد اسحاق بااعلام نظامي طيب قول اغالردن قوتلو حليم وبرادري رشيد بكلره حوا ملك خانم ذمتلرند محكوم به آلاجنى اولان مبالغ تأمين استيفاسي ايچون مومي اليهمدن حليم بكك ثلث وخاتم مومي اليهانك ثلثان حصه لرينه متصرف اولوب حكاماً واجراءً محجوز بولنان اسكدارده احسانيه محله سننده اورته زقاقده واقع تخميناً اوچيوز اللى ارشون عرصه اوزرينه مبنى فوقاني وتحتاني يدى اوطنه وبرمطبخ وبرقيو وبر صهرنجي وتخميناً درتوز اللى ارشون باغچيني حاوى شهرى اون ايكي مجيديه ايجار كتورير التمش التي نومرولى مع باغچه برباب خانه تمامنك تاريخ اعلاندن اعتباراً اون بش كون صكره بالمزايدة فروخته تشبث اولنه جنجى درسعادت اعلامات نظاميه اجرا دائره سنندن اعلان اولنور . في ۱۶ كانون ثاني سنه ۳۱۸

چتالجه بدایت محكمه سي اجرا دائره سنده :

قره برونلى عزيز اغانك اعشار التزامندن طولاي چتالجه ديون عموميه اداره سي صندوقه مديون اولديني مبالغ معلومه نك تأمين استيفاسي ايچون مديون مرقومك قره برون قريه سننده متصرف اولديني معلوم الحدود برقطعه باغچيه سي تاريخ اعلاندن اعتباراً اون بش كون صكره مزايديه وضع اولنه جفندن طالب

اولانلرك چتالجه بدایت محكمه سي اجرا دائره سنه مراجعت ايتلري اعلان اولنور .

شيد قضا سي بدایت محكمه سي اجرا دائره سنده :

شيله لي پاندازى اوغلى طودورى ورفقاسنك برقطعه اعلام نظامي موجبجه ترزي كريكو ذمتنده كي اله جقلرينك تأمين استيفاسي ضمننده محجوز شيله قصبه سنك ايازمه دره سي موقعنده معلوم الحدود برچق دونم دوتلغك لى المزايدة مجيديه يكرمي غروش حسابيله بيك يوز غروشه طالبي عهده سنده تقرر ايدرك موقت قرار داده سي كشيده قلنمش اولديغندن تاريخ اعلاندن اعتباراً اوتوز بركون ظرفنده احاله قطعيه سي اجرا اولنه جفندن يوزده بش ضميله طالب اولانلرك بي اتچه لرني مستصحباً شيله بدایت محكمه سي اجرا دائره سننه مراجعت ايللري اعلان اولنور .

سماق قضا سي بدایت محكمه سي اجرا دائره سنده :

اوچيوز بش سنه سي اعشار ملتزم لرندن سماولى عباسجي يوسف اوغلى خالك تأمين استيفاي ديني ايچون كفلاسندن كوكلر قريه لي صاري احمد اوغلى ابراهيمك ديون عموميه مأمورلغندن محجوز معلوم الحدود صغوق پيكار باشنده برقطعه ده بردونم ايكي اولك قراك آرندده معلوم الحدود برقطعه ده ايكي ينه قراك آرندده معلوم الحدود برقطعه ده بردونم باغ ينه موقع مذكوره معلوم الحدود برقطعه ده درت دونم ترلاليله خانه لر جوارنده معلوم الحدود برقطعه اوچ اولك باغچه دهه قربنده معلوم الحدود برقطعه ده اوتوز دونم قتيق يولنك ييلانلي قربنده معلوم الحدود برقطعه بر دونم ايكي اولك ينه موقع مذكوره بر قطعه ده ايكي دونم ينه موقع مذكوره معلوم الحدود برقطعه ده بر دونم بر اولك معلوم الحدود برقطعه ده بش دونم اوچ اولك قتيق يولنك ييلانلي قربنده معلوم الحدود برقطعه ده بردونم ايكي اولك ينه موقع مذكوره معلوم الحدود برقطعه ده بر دونم ينه موقع مذكوره معلوم الحدود برقطعه ده بش دونم ينه موقع مذكوره معلوم الحدود برقطعه ده ايكي اولك دهه قربنده معلوم الحدود برقطعه اون التي دونم ترلاكه جمعاً اون بش قطعه ده يتش اوچ دونم اوچ اولك باغ وباغچه وترلاسي تاريخ اعلاندن اعتباراً اون بش كونه قدر مزايديه قونيله جفندن طالب اولانلرك سماو اجرا دائره سننه مراجعت ايللري اعلان اولنور .